

RESOLUCIÓN DE INSCRICIÓN NO REXISTRO DE ORDENACIÓN DO TERRITORIO E PLANEAMENTO URBANÍSTICO DE GALICIA.

Con data do 27 de xuño de 2023, a subdirectora xeral de Réxime Xurídico Administrativo emitiu o seguinte informe proposta de Resolución:

“Vista a documentación remitida polo Concello da Coruña, na que solicita a inscrición do estudo de detalle para a ordenación do volume edificable no soar número 50 da rúa Emilio González López, do Rexistro de Ordenación do Territorio e Planeamento Urbanístico de Galicia, e con fundamento nos seguintes:

ANTECEDENTES:

Por acordo do Pleno da Coruña, en data do 12 de xaneiro de 2023, prestouse aprobación definitiva ao estudo de detalle para a ordenación do volume edificable no soar número 50 da rúa Emilio González López.

FUNDAMENTOS XURÍDICOS:

PRIMEIRO.- A Disposición adicional primeira da Lei 1/2021, do 8 de xaneiro, de ordenación do territorio de Galicia establece que o Rexistro de Planeamento de Galicia, regulado na Lei 2/2016, do 10 de febreiro, do Solo de Galicia, e no capítulo X do título II do regulamento da dita lei, aprobado polo decreto 143/2016, do 22 de setembro, pasará a denominarse Rexistro de Ordenación do Territorio e Planeamento Urbanístico de Galicia.

SEGUNDO.- O artigo 88 da Lei 2/2016, do 10 de febreiro, do solo de Galicia establece que os instrumentos de planeamento urbanístico, unha vez aprobados definitivamente, e publicado no Diario Oficial de Galicia o acordo correspondente, deberán inscribirse no rexistro que, para tal efecto, se constituirá na consellería competente en materia de urbanismo.

O Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia (en diante RLSG) contén nos seus artigos 208 e seguintes a regulación do Rexistro de Planeamento Urbanístico de Galicia.

TERCEIRO.- Consonte co establecido no artigo 209.2.b) do Decreto 143/2016, do 22 de setembro, a inscrición no rexistro será obrigatoria e producirase a instancia do concello respectivo respecto dos instrumentos de planeamento cuxa aprobación definitiva lles corresponda.

En virtude do disposto no artigo 212.2 do RLSG o concello, con data do 14 de xuño de 2023, remitiu toda a documentación esixida para a súa inscrición no Rexistro de Ordenación do Territorio e Planeamento Urbanístico de Galicia.

DIRECCIÓN XERAL DE ORDENACIÓN DO TERRITORIO E URBANISMO
VICEPRESIDENCIA SEGUNDA E CONSELLERÍA DE MEDIO AMBIENTE,
TERRITORIO E VIVENDA

Edificio Administrativo de San Caetano
Edificio número 5, 15781 Santiago de Compostela
T. 981 544 355
sxurbanismo@xunta.gal
www.xunta.gal



CUARTO.- A inscrición dos instrumentos de planeamento no rexistro, incluídas as súas modificacións, deixará constancia da súa existencia, contido e datas de aprobación e será condición para a publicación da súa normativa no Boletín Oficial correspondente, de conformidade co establecido nos artigos 82 da Lei 2/2016, do 10 de febreiro, e 215 do Decreto 143/2016, do 22 de setembro.

A inscrición no rexistro de planeamento urbanístico é un acto formal que goza de independencia respecto das facultades atribuídas pola lexislación de réxime local para proceder ao requirimento de anulación dos actos e acordos das corporacións locais.

QUINTO.- Corresponde á Dirección Xeral de Ordenación do Territorio e Urbanismo o exercicio de todas as competencias relativas á xestión do Rexistro de Ordenación do Territorio e Planeamento Urbanístico de Galicia, conforme co sinalado no artigo 208.2 do Decreto 143/2016, do 22 de setembro, e do artigo 13 do Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda, en relación co Decreto 58/2022, do 15 de maio, polo que se establece a estrutura orgánica da Xunta de Galicia.

En virtude do exposto, e de conformidade coa Lei 2/2016, do 10 de febreiro, do solo de Galicia, o Decreto, 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia, o Decreto 42/2019, do 28 de marzo e o Decreto 58/2022, do 15 de maio”.

De acordo coa proposta da subdirectora xeral de Réxime Xurídico Administrativo, de data do 27 de xuño de 2023, RESOLVO:

Ordenar a inscrición do estudo de detalle para a ordenación do volume edificable no soar número 50 da rúa Emilio González López, no Concello da Coruña, no Rexistro de Ordenación do Territorio e Planeamento Urbanístico de Galicia, co número de rexistro ROTPG/P/44/2023 da Sección II, do Libro I, Tomo III, folla rexistral nº 20.

Contra a presente resolución, que lle pon fin a vía administrativa, poderase interpoñer recurso contencioso-administrativo ante a Sala do contencioso-administrativo do Tribunal Superior de Xustiza de Galicia, no prazo de dous meses contados desde o día seguinte ao da notificación, sen prexuízo da formulación, no seu caso, de requirimento previo en igual prazo (artigos 44 e 46 da Lei 29/1998, do 13 de xullo, da xurisdición contencioso-administrativa).

Santiago de Compostela, data e sinatura dixital.
A directora xeral de Ordenación do Territorio e Urbanismo
M^a Encarnación Rivas Díaz

DIRECCIÓN XERAL DE ORDENACIÓN DO TERRITORIO E URBANISMO
VICEPRESIDENCIA SEGUNDA E CONSELLERÍA DE MEDIO AMBIENTE,
TERRITORIO E VIVENDA

Edificio Administrativo de San Caetano
Edificio número 5, 15781 Santiago de Compostela
T. 981 544 355
sxurbanismo@xunta.gal
www.xunta.gal

